

Martes, 18 de abril de 2023

Núm. 74

ADMINISTRACIÓN LOCAL

MUNICIPAL

ORGANISMO AUTÓNOMO TERRA DE SANXENXO

Subvencións e axudas

CONVOCATORIA SUBVENCÍONS ENTIDADES DEPORTIVAS E DEPORTISTAS INDIVIDUAIS TEMPADA 21/22

*EXP. 789/2022: BASES E CONVOCATORIA DA CONCESIÓN DE SUBVENCÍONS A ENTIDADES
DEPORTIVAS E DEPORTISTAS INDIVIDUAIS TEMPADA 21/22.*

ASUNTO: APROBACIÓN DAS BASES E CONVOCATORIA

RESOLUCIÓN DA ALCALDÍA

Visto o borrador das Bases e convocatoria da concesión de subvencións a entidades deportivas e deportistas individuais para as actividades correspondentes á tempada 2021/2022 ou tempada 2022, segundo o calendario oficial da modalidade deportiva da que se trate.

Vistos os informes da técnica municipal de planificación de data 27 de xaneiro de 2023 e da intervención municipal, de data 17 de febreiro de 2023, esta presidencia, en uso das atribucións que lle confire a lexislación vixente, resolve:

1º) Aprobar as bases para a concesión de subvencións a entidades deportivas e deportistas individuais, tempada 21/22, segundo o texto que se adxunta á presente Resolución como parte integrante da mesma, e proceder a súa convocatoria mediante o procedemento de concorrência competitiva. As subvencións están destinadas a fomentar as actividades deportivas no Concello de Sanxenxo.

2) Dispoñer a publicación deste acordo, incluíndo as “Bases e convocatoria da concesión de subvencións a entidades deportivas e deportistas individuais-tempada 21/22”, seguindo o procedemento establecido no artigo 20.8 da Lei Xeral de Subvencións.

En Sanxenxo,

O Presidente, Telmo Martín González.

O secretario xeral, Ángel Luis López Pita.

BASES REGULADORAS E CONVOCATORIA PARA A CONCESIÓN DE SUBVENCÍONS A ENTIDADES DEPORTIVAS E DEPORTISTAS INDIVIDUAIS.

O Concello de Sanxenxo a través do O. A. Terra de Sanxenxo, establece no presente documento as bases reguladoras para a concesión de axudas e subvencións públicas destinadas a fomentar as actividades deportivas no Concello de Sanxenxo, segundo os principios de obxectividade,



Martes, 18 de abril de 2023

Núm. 74

concorrenza, publicidade, transparencia, igualdade e non discriminación, atendendo á lexislación vixente na materia e establecéndose ao efecto as seguintes bases e procedéndose á convocatoria correspondente á tempada 2021/2022 ou tempada 2022, segundo o calendario que teña establecido a federación correspondente na modalidade deportiva de que se trate:

1º.- Réxime xurídico.

O réxime xurídico das subvencións contidas nas presentes bases está constituído pola Lei 38/2003, de 17 de novembro, Xeral de Subvencións e o Real Decreto 887/2006, de 21 de xullo, polo que se aproba o seu regulamento, nos seus preceptos básicos; a Lei 9/2007, do 13 de xuño, de subvencións de Galicia, o Decreto 11/2009, do 8 de xaneiro, polo que se aproba o Regulamento da Lei de Subvencións de Galicia e, ademais, pola normativa aplicable en materia de réxime local e procedemento administrativo común e por estas Bases reguladoras.

2º.- Obxecto.

As presentes bases teñen por obxecto o establecemento e a regulación da concesión de subvencións a entidades deportivas, pola súa participación en competicións oficiais e a deportistas individuais pola súa participación en competicións internacionais formando parte da Selección Española ou a competicións nacionais formando parte da Selección Galega, na tempada 2021/2022, ou tempada 2022, segundo o deporte do que se trate.

3º.- Beneficiarios/as.

Poderán solicitar as axudas reguladas na presente convocatoria:

LIÑA 1.

As asociacións e entidades deportivas privadas, validamente constituídas e sen ánimo de lucro, que teñan o seu domicilio social no Concello de Sanxenxo, realicen actividades de interese municipal e se atopen debidamente federadas e inscritas no Rexistro de Entidades Deportivas de Galicia. Deben estar igualmente ao corrente nas obrigas tributarias coa facenda estatal e autonómica, así como estar ao corrente nas obrigas coa Seguridade Social e co Concello de Sanxenxo. A competición na que participe a asociación ou entidade deberá estar regulada e incluída dentro do calendario oficial de competición organizado pola federación da modalidade deportiva correspondente.

LIÑA 2.

Deportistas individuais federados empadroados no Concello de Sanxenxo con anterioridade á aprobación das presentes bases que participen en competicións deportivas internacionais formando parte da Selección Nacional Española ou en competicións deportivas nacionais formando parte da Selección Galega. Deberá estar ao corrente nas súas obrigas tributarias co Concello de Sanxenxo.



Cada entidade, persoa física ou xurídica só poderá presentar dentro da mesma solicitude axudas para unha das liñas subvencionadas establecidas no punto anterior.

Non poderán ser destinatarias de subvención as sociedades anónimas deportivas ou as entidades con ánimo de lucro.

Os/as solicitantes non poderán estar incurso/as en ningún dos supostos de incapacidade ou incompatibilidade para a percepción de axudas ou subvencións públicas nin en ningunha das prohibicións para percibir subvencións recollidas na lei.

Non poderán beneficiarse destas subvencións as entidades, asociacións ou deportistas individuais que teñan pendente de xustificar axudas concedidas no exercicio anterior no mesmo programa e deberán estar ao corrente, no seu caso, no pago da obriga por reintegro das mesmas.

4º.- Actuacións subvencionables.

No marco do presente programa só resultarán susceptibles de seren subvencionadas aquelas actuacións que se axusten a algún dos seguintes puntos.

a) Serán subvencionables os gastos derivados da participación en competicións federadas de carácter oficial (liña 1):

- Gastos federativos, entendendo como tales, os gastos necesarios para a participación das entidades nas competicións deportivas, licenzas, inscricións en competición oficiais, mutualidades, seguros deportivos e outros seguros contratados relacionados coa actividade subvencionada, gastos de arbitraje, comisarios e xuíces deportivos.
- Gastos de vestimenta deportiva da entidade.
- Produtos básicos de farmacia de primeiros auxilios.
- Gastos relacionados co transporte e medios de transporte utilizados para asistir a competicións.
- Gastos de mantemento e aloxamento.
- Gastos relacionados co material deportivo non inventariable.
- Gastos correspondentes a salarios, cotas da Seguridade Social e retencións do IRPF practicadas.

b) Serán subvencionables os gastos derivados da participación en competicións internacionais para deportes individuais, formando parte da Selección Nacional Española ou a competicións nacionais para deportistas individuais, formando parte da Selección Galega (liña 2):

- Gastos de manutención e aloxamento.
- Gastos de desprazamento.
- Gastos de inscrición nas competicións.



5º.- Financiamento orzamentario.

As axudas e subvencións reguladas nestas Bases financiaranse de acordo coa dispoñibilidade orzamentaria da Concellería de Servizos Sociais, Deportes e Xuventude do O. A. Terra de Sanxenxo no ano 2023 (ou daqueles convenios, ou de calquera outra colaboración que subscriba o Concello de Sanxenxo de acordo coa finalidade e obxectivos destas bases).

5.1. O orzamento do que se dispón para o outorgamento das subvencións a conceder será de cen mil euros (100.000,00 €), partida 34102. 48900.

5.2. O importe das subvencións ou axudas a deportistas individuais que participen en competicións internacionais formando parte da selección nacional española ou en competicións nacionais formando parte da selección galega será de dez mil euros (10.000,00 €) non podendo superar os dous mil euros (2.000,00 €) o importe destinado a desprazamentos.

O importe máximo das subvencións ou axudas por entidade ou club deportivo de carácter federado será de quince mil euros (15.000,00 €).

O importe mínimo das subvencións ou axudas por entidade ou club deportivo de carácter federado será de cincocentos euros (500,00 €).

As subvencións concedidas serán compatibles coa percepción doutras subvencións, axudas, ingresos ou recursos para a mesma finalidade, procedentes de calquera Administración ou entes públicos ou privados, nacionais ou da Unión Europea ou de organismos internacionais.

En ningún caso o importe da subvención poderá ser de tal contía, que illadamente ou en concorrencia coa subvención ou axuda doutras administracións, entes públicos ou privados, supere o 100% do custo da actividade a desenvolver polo beneficiario.

6º.- Solicitudes e documentación.

As solicitudes formalizaranse no modelo de instancia normalizado que estará dispoñible na Sede electrónica do Organismo autónomo Terra de Sanxenxo (<https://terradesanxenxo.sedelectronica.gal>) unha vez que comence o prazo de presentación de solicitudes.

De conformidade co artigo 68.4 da Lei 39/2015, do 1 de outubro, do Procedemento Administrativo Común das Administracións Públicas, se algunha asociación ou entidade deportiva interesada presenta a súa solicitude presencialmente, requiriráselle para que a emende a través da súa presentación electrónica. Para estes efectos, considerarase como data de presentación da solicitude aquela en a que fose realizada a emenda.

Os deportistas individuais, ademais, poderán formalizar a súa solicitude no modelo de instancia que figura no Anexo I das presentes Bases, de maneira presencial no Rexistro xeral do Concello, ou a través de calquera dos medios previstos no artigo 16 da Lei 39/2015, de 1 de outubro, do Procedemento Administrativo Común das Administracións Públicas.

Xunto coa solicitude, deberá achegarse a seguinte documentación:



6.a).—Gastos derivados da participación en competicións de carácter federado dos clubs e entidades deportivas (líña 1):

- Número de licenzas expedidas durante a última tempada finalizada, detalladas por categoría e sexo (achegando documento acreditativo expedido pola federación correspondente).
- Categorias de competición na tempada 21/22, detallada por equipo (achegando documento acreditativo expedido pola federación correspondente).
- Certificación da Federación Galega ou Nacional correspondente na que se especifique o listado nominal dos adestradores do club na tempada 21/22 e copia dos títulos de ditos adestradores.
- Breve memoria da actividade deportiva da tempada de referencia, onde se contemplen, como mínimo, número de equipos, número de deportistas por categoría e sexo, e resultados destacados da tempada subvencionada. Ademais incluírá as actividades realizadas a maiores da competición regular.
- Documento xustificativo expedido pola Administración correspondente de estar ao corrente nas obrigas tributarias coa facenda estatal e autonómica, así como nas obrigas coa Seguridade Social.

6.b). Gastos derivados da participación en competicións internacionais ou nacionais (líña 2):

- Lugar e data da competición.
- Gastos de desprazamentos.
- Gastos de aloxamento e manutención.
- Certificación da federación española ou galega correspondente da participación na competición.
- Breve memoria das competicións nas que participou ao longo da tempada 2021/2022 ou tempada 2022, segundo o deporte de que se trate, en representación da Selección Nacional ou Galega, indicando como mínimo as datas e lugar da súa realización, tipo de competición e posto acadado.
- Copia do DNI do deportista individual. Non será necesario se o deportista presenta a solicitude ao seu nome electrónicamente.
- No seu caso, documento acreditativo da representación.

Todas as solicitudes ao abeiro das bases, 6.a) e 6.b) deben ir acompañadas da seguinte documentación:

- Declaración xurada de ausencia de débedas co Concello de Sanxenxo.
- Declaración xurada especificando as axudas ou financiamentos públicos ou privados solicitados ou obtidos para a mesma actividade no ano 2022.
- Certificación da conta bancaria onde se efectuarán, no seu caso, os pagamentos.



As persoas interesadas responsabilizaranse da veracidade dos documentos achegados. Excepcionalmente, a Administración poderá requirir a exhibición do documento orixinal para cotexalo coa copia electrónica presentada.

7ª.- Prazo de presentación de solicitudes.

O prazo de presentación de solicitudes será de 20 días hábiles contados dende o día seguinte á publicación da presente convocatoria no Boletín Oficial da Provincia.

Se o escrito de solicitude non reunise os datos de identificación ou calquera dos previstos no art. 66 da Lei 39/2015, do 1 de outubro, do Procedemento Administrativo Común das Administracións Públicas, requirirase ao/a interesado/a para que nun prazo de 10 días hábiles emende as faltas ou presente os documentos perceptivos, con indicación de que, se non o fixera, terase por desistido, arquivándose a solicitude sen máis trámites.

8ª.- Criterios para o outorgamento das axudas ou subvencións.

Criterios de avaliación das solicitudes da liña 1 de subvención: clubs e entidades deportivas en competicións federadas.

- Número de licenzas federativas segundo certificado federativo da federación correspondente. Listado nominal. As licenzas teñen que estar dadas de alta na federación correspondente, presentando un certificado da federación que así o acredite:

1.—Número de licenzas federativas de deportistas menores de 16 anos, segundo certificado federativo.

2.—Número de licenzas federativas femininas, segundo certificado federativo.

3.—Número de licenzas federativas de deporte adaptado, segundo certificado federativo.

- Número de adestradores/as con licenza federativa e nivel de formación dos técnicos/as encargados/as dos equipos das distintas categorías, segundo certificado federativo.
- Nivel de competición regular do equipo representativo do club, segundo certificado federativo.
- Nivel de competición dos equipos de base.

9ª.- Valoración.

Segundo os criterios de valoración expostos, obterase unha puntuación segundo o disposto a continuación:



Martes, 18 de abril de 2023

Núm. 74

CRITERIOS DE VALORACION	PUNTUACIÓN MÁXIMA
Número de licenzas federativas masculinas <16 años.	15 puntos
Número de licenzas federativas femininas.	15 puntos
Ámbito de competición do equipo de referencia.	15 puntos
Ámbito de competición dos equipos de base.	30 puntos
Posesión de licenzas de deporte adaptado.	10 puntos
Adestradores titulados con licenza federativa.	12 puntos

ÁMBITO DE COMPETICIÓN DO EQUIPO DE REFERENCIA	
Nacional	15 puntos
Autonómica	10 puntos
Provincial	5 puntos

ÁMBITO DE COMPETICIÓN DOS EQUIPOS DE BASE *ata un máximo de 30 puntos por Club	
Nacional	15 puntos
Autonómica	10 puntos
Provincial	5 puntos

NÚMERO DE LICENZAS MASCULINAS MENORES DE 16 ANOS NA TEMPADA	
De 1 a 10	2 puntos
De 11 a 25	4 puntos
De 26 a 50	8 puntos
De 51 a 100	10 puntos
De 101 a 150	12 puntos
>150	15 puntos



Martes, 18 de abril de 2023

Núm. 74

NÚMERO DE LICENZAS FEMININAS NA TEMPADA

De 1 a 10	3 puntos
De 11 a 25	6 puntos
De 26 a 50	9 puntos
De 51 a 100	12 puntos
>100	15 puntos

POSESIÓN DE LICENZAS DE DEPORTE ADAPTADO

Non posuir licenzas	0 puntos
Posuir licenzas	10 puntos

ADESTRADORES TITULADOS***ata un máximo de 12 puntos por Club**

Nivel III	4 puntos
Nivel II	3 puntos
Nivel I	2 puntos
Monitor	1 puntos

O valor do punto de orzamento será de 100 euros. As subvencións outorgadas deberán respectar os límites máximos establecidos segundo as liñas e criterios subvencionables, polo que a ningunha entidade se lle outorgará unha subvención maior á establecida nos ditos límites. No caso de que o valor económico do punto multiplicado polos puntos obtidos por todos os beneficiarios, sobrepasase o límite de gasto autorizado para cada liña, o valor do punto deberá ser minorado por resolución da Presidencia.

10º.- Procedemento de concesión.

O procedemento de concesión das subvencións levarase a cabo en réxime de concorrancia competitiva.

A instrución do procedemento corresponde á Concellería de Servizos Sociais, Deportes e Xuventude, que realizará de oficio cantas actuacións estime necesarias para a determinación, coñecemento e comprobación dos datos en virtude dos cales formulará a proposta de resolución. Tamén será a encargada de requirir ás entidades solicitantes a emenda de deficiencias da documentación presentada.



Martes, 18 de abril de 2023

Núm. 74

Avaliadas as solicitudes, segundo os criterios, formas e prioridades establecidas no punto 9, elevaranse a unha Comisión de Valoración, que emitirá un informe no que se concrete o resultado da avaliación efectuada. As persoas integrantes da Comisión e os suplentes, designaranse por resolución da Presidencia do Organismo autónomo Terra de Sanxenxo entre o persoal técnico municipal, sendo o presidente da mesma o Concelleiro de Servizos Sociais, Deporte e Xuventude e actuando como secretario un técnico do servizo de deportes.

Á vista do informe da Comisión, o órgano instructor formulará a proposta de resolución provisional debidamente motivada e abrirase un prazo de dez días hábiles para que todas as persoas interesadas poidan presentar as alegacións que estimen oportunas. Tras examinar as alegacións presentadas, de ser o caso, a Comisión emitirá novo informe de valoración e o órgano instructor formulará a proposta de resolución definitiva.

De non presentarse alegacións, a proposta de resolución provisional terá o carácter de definitiva, debendo expresar os solicitantes para os que se propón a concesión das subvencións e a súa contía, especificando a valoración obtida e os criterios de valoración seguidos para efectuala.

O expediente de concesión das subvencións conterá un informe do órgano instructor no que coste que da información que obra no seu poder se desprende que as persoas ou entidades beneficiarias cumpren con todos os requisitos necesarios para acceder ás mesmas.

Posteriormente a proposta deberá ser fiscalizada favorablemente polos servizos da Intervención municipal.

11º.- Resolución.

A partir da proposta e tras o informe da Intervención municipal, a Presidencia ditara resolución na que se especifique a relación de entidades ás que se lles concede a axuda, a contía desta e a desestimación das restantes solicitudes.

A resolución non terá obrigatoriamente que distribuír a totalidade do crédito.

O prazo máximo para a resolución e notificación das subvencións será de tres meses contados a partir da finalización do prazo de presentación da solicitude das mesmas. Transcorrido o devandito prazo, as entidades solicitantes ás que non se lles notifique resolución expresa, entenderán que a súa solicitude foi denegada.

12º.- Notificación.

O acto de resolución do procedemento será obxecto de publicación no Boletín Oficial da Provincia de Pontevedra e terá os efectos dunha notificación por tratarse dun procedemento de concorrencia competitiva (artigo 45 da LPACAP). Así mesmo, será igualmente obxecto de publicidade a través da páxina web do Concello de Sanxenxo.



Notificada a resolución definitiva os/as interesados/as propostos/as como beneficiarios/as disporán dun prazo de dez días hábiles para a súa aceptación, transcorrido o cal sen que manifestaran o contrario, entenderase tácitamente aceptada a subvención.

13º.- Obrigas dos/as beneficiarios/as.

Os/as beneficiarios/as das axudas ou subvencións adquiren as seguintes obrigas:

- Xustificar ante o O. A. Terra de Sanxenxo o cumprimento dos requisitos e condicións, así como a realización da actividade e o cumprimento da finalidade pola que se concedeu a subvención.
- Facer constar que conta coa subvención do Concello de Sanxenxo, de forma clara, nos exemplares dos programas, carteis, anuncios, fotografías e demais material gráfico ou sonoro que se publique con motivo da actividade subvencionada, incluíndo as publicacións en redes sociais.
- As entidades que reciban unha subvención igual ou superior a tres mil euros (3.000,00 €) farán constar na súa vestimenta o logo do Concello de Sanxenxo.
- Colaborar co Concello de Sanxenxo naqueles programas ou actos deportivos que organice cando lle sexa requirido, para os efectos de promoción deportiva ou con fins benéficos.
- Someterse ás actuacións de comprobación e seguimento que realice o O. A. Terra de Sanxenxo sobre a veracidade dos datos presentados polos solicitantes, así como calquera outra de comprobación e control financeiro que poidan realizar os órganos de control competentes tanto nacionais como comunitarios, achegando canta información lles sexa requirida no exercicio das actuacións anteriores.
- Comunicar ao O. A. Terra de Sanxenxo da obtención doutras subvencións ou axudas para mesma finalidade. Esta comunicación deberá efectuarse tan pronto como se coñeza.
- Acreditar que se atopa ao corrente no cumprimento das obrigas tributarias e fronte á seguridade social.
- Proceder ao reintegro dos fondos recibidos nos supostos contemplados no artigo 33 da Lei 9/2007, do 13 de xuño, de subvencións de Galicia.

14º.- Xustificación e pagamento.

As xustificacións referentes ás actividades subvencionadas deberán presentarse no prazo máximo de 15 días hábiles dende a notificación da resolución definitiva de concesión da subvención, podendo quedar anulada a subvención se isto non se cumpre. A documentación xustificativa presentarse a través da sede electrónica do O. A. Terra de Sanxenxo, podendo os deportistas individuais presentala no Rexistro xeral do Concello ou a través de calquera dos medios previstos no artigo 16 da Lei 39/2015, de 1 de outubro, do Procedemento Administrativo Común das Administracións Públicas.



Os beneficiarios deberán xustificar a realización da actividade coa entrega de:

- Facturas ou documentos análogos, que reúnan os requisitos legais a efectos de IVE. Nestes documentos debe constar claramente o servizo prestado e levarán o selo ou sinatura do expedidor da factura, así como os datos da asociación ou entidade beneficiaria.
- Conta xustificativa dos gastos que comportou a actividade subvencionada.
- Declaración doutras axudas para a mesma finalidade.
- Certificado da ausencia de débedas coa Seguridade Social, e a Axencia Tributaria Estatal e Autonómica.
- Certificación da conta bancaria onde, no seu caso, realizárase o pagamento. Unicamente se presentará se é unha conta bancaria diferente á presentada xunto coa solicitude.

Os gastos de desprazamento, aloxamento, manutención e inscrición referidos na base 6.b) deberán ser necesarios para a participación na competición de que se trate e gardar relación directa coa competición concreta na que se participa, obrigándose ós/ás beneficiarios/as a explicalos debidamente.

Os documentos xustificativos corresponderán a gastos realizados entre o 1 de xuño do 2021 e o 31 de decembro de 2022, correspondentes á tempada 2021/2022 ou á tempada 2022, segundo o deporte de que se trate.

A axeitada xustificación da subvención, a realización da actividade subvencionada e o cumprimento da finalidade que determinou a súa concesión, será comprobada polos servizos da Concellería de Servizos Sociais, Deportes e Xuventude. O técnico do servizo de Deportes emitirá informe ao respecto facendo constar, no seu caso, todas aquelas circunstancias que poidan resultar relevantes en orden a considerar incumplida ou defectuosamente cumprida a actividade subvencionada e a xustificación achegada.

Vista a documentación xustificativa, o órgano instructor procederá a valorar se coa xustificación presentada por cada beneficiario, se cumpre coa finalidade básica da subvención. Posteriormente, de ser favorable a valoración das xustificacións, a Comisión emitirá un informe e o Concelleiro de Servizos Sociais, Deportes e Xuventude elaborará a proposta de pago, que se fiscalizará pola Intervención municipal.

Tras a xustificación, a proposta do Concelleiro e a fiscalización da Intervención municipal, o órgano competente resolverá facendo mención expresa a que se produciu a comprobación da realización da actividade e o cumprimento da xustificación e nese caso, proporase que se recoñeza a obriga e que se efectúe o correspondente pagamento.

Se non se presentase a correspondente xustificación dentro do prazo, por resolución da Presidencia iniciárase o expediente para a revogación da subvención.

O importe xustificado será como mínimo o importe subvencionado. No caso de que a entidade beneficiaria/deportista non xustifique a totalidade do gasto da subvención concedida realizarase



Martes, 18 de abril de 2023

Núm. 74

o libramento dos fondos polo importe xustificado, sempre e cando se cumpran co resto dos requisitos das bases.

O pagamento efectuarase por transferencia á conta bancaria indicada polo perceptor, no prazo dun mes a partir da data límite de xustificación da subvención.

15º.- Publicidade do procedemento da concesión de subvención.

Procederáse á publicación no Boletín Oficial da Provincia de Pontevedra, así como na páxina web e na sede electrónica do O. A. Terra de Sanxenxo. En todo caso, o acordo de concesión tamén será exposto polo prazo de 30 días no Taboleiro de anuncios do Concello onde se recollerá a convocatoria, o crédito orzamentario, os beneficiarios, a cantidade concedida e a finalidade ou finalidades da subvención.

16º.- Devolución e reintegro da subvención. Réxime de infraccións e sancións.

En canto ás causas de nulidade e anulabilidade do acordo de concesión das axudas e de reintegro das mesmas estarase ao disposto no artigos 32 e 33 da Lei 9/2007, de 13 de xuño, de subvencións de Galicia.

As axudas concedidas deberán ser devoltas ou reintegradas, xunto cos xuros de mora correspondentes desde o momento do pago da subvención ata a data na que se acorde a procedencia do reintegro, nos supostos enumerados no art. 33 da LSG, entre os que están:

- Telas obtido falseando as condicións requiridas ou ocultando aquelas que o impedisén.
- Non aplicalas aos fins para os que foron concedidas, de tal forma que se incumpla total ou parcialmente o obxectivo da actividade ou do proxecto ou fin para os que foron concedidas.
- Incumprir o beneficiario as obrigas asumidas e as condicións fixadas nestas bases.

O procedemento de reintegro axustarase ao previsto nos artigos 37 e seguintes da LSG.

En canto ás infraccións e sancións en que poidan incorrer os/as beneficiarios/as destas axudas e ao procedemento para a súa imposición estarase ao disposto no Título IV da Lei 9/2007, de 13 de xuño, de subvencións de Galicia e no RD 1398/1993, de 4 de agosto, polo que se aprobou o Regulamento do Procedemento para o exercicio da potestade sancionadora.

17ª.- Protección de datos.

Os datos persoais recabados neste procedemento serán obxecto de tratamento polo Organismo autónomo Terra de Sanxenxo, en calidade de órgano responsable, coa finalidade de xestionar este procedemento, verificar os datos e documentos que as persoas interesadas declaren nas súas solicitudes, para comprobar a exactitude destes e levar a cabo todas as actuacións administrativas que, no seu caso, deriven.

Pode verificar a integridade deste documento no seguinte enderezo:
<https://sede.depo.gal>
Código seguro de verificación:61ZA6258GN8ZF0CT



Martes, 18 de abril de 2023

Núm. 74

Os datos persoais obtidos nestes procedementos serán obxecto de comunicación ás administracións públicas no exercicio das súas propias competencias ou cando sexa necesario para que a cidadanía poida acceder de forma integral á información relativa a unha materia.

As persoas interesadas poderán acceder, rectificar e suprimir os seus datos, así como exercer outros dereitos ou revogar o seu consentimento segundo o previsto na lexislación vixente.

18º.- Recursos.

Contra estas bases e as resolucións administrativas que se adopten na súa execución poderá interpoñerse, no prazo dun mes, un recurso de reposición perante o órgano que as ditou, que se entenderá desestimado se este período transcorre sen recibir contestación. Neste caso poderá interpoñerse o recurso contencioso-administrativo ante o Xulgado do Contencioso-Administrativo, segundo o disposto no artigo 8 da Lei 29/1998, de 13 de xullo, da xurisdición contencioso-administrativa, no prazo de dous meses. Contra esta resolución tamén se poderá interpoñer directamente un recurso contencioso-administrativo no prazo indicado.

En todos os casos, os prazos contaránse a partir do día seguinte ao da recepción da correspondente notificación ou da data na que o recurso de reposición se entenda como desestimado.



Martes, 18 de abril de 2023

Núm. 74

	BASES E CONVOCATORIA DA CONCESIÓN DE SUBVENCÍONS A ENTIDADES DEPORTIVAS E DEPORTISTAS INDIVIDUAIS PARA PARTICIPAR EN COMPETICIÓNS OFICIAIS. TEMPADA 21/22-TEMPADA 22.
ANEXO I	
SOLICITUDE DE SUBVENCIÓN (DEPORTISTAS INDIVIDUAIS)	

Datos deportista		
Nome e apelidos:		
DNI:	Modalidade deportiva:	
Enderezo:	C.P.:	
Tel. 1:	Tel. 2:	
Enderezo electrónico a efectos de notificación:		

Datos do club no que está federado		
Nome:	CIF:	
Enderezo:	C.P.:	
Tel. 1:	Tel. 2:	
Enderezo electrónico:		
Número de ficha federativa do deportista:		

EXPÓN: Que no Boletín Oficial da Provincia de Pontevedra foron publicadas as Bases e a convocatoria da concesión por parte do Concello de Sanxenxo de subvencións a entidades deportivas e deportistas individuais para participar en competicións oficiais - Tempada 21/22 ou tempada 22, segundo a modalidade deportiva da que se trate.
SOLICITA: Participar no proceso para a concesión da subvención referida.

Documentación que se achega coa solicitude:	
Documentación obrigatoria:	
☐	Declaración xurada de ausencia de débedas co Concello de Sanxenxo
☐	Declaración xurada especificando as axudas ou financiamientos públicos ou privados solicitados ou obtidos para a mesma actividade
☐	Listado dos desprazamentos a competicións internacionais/nacionais indicando lugar e data de celebración
☐	Gastos de desprazamento a competicións internacionais/nacionais
☐	Gastos de aloxamento e manutención con motivo de desprazamento a competicións internacionais/nacionais
☐	Certificación da conta bancaria onde se efectuarán, no seu caso, os pagamentos
☐	Certificación da federación correspondente de participación nas competicións internacionais/nacionais ás que acuda
Documentación opcional:	
☐	Copia do DNI do deportista. Non será necesario se o deportista presenta a solicitude ao seu nome electronicamente
☐	Modelo outorgamento representación
☐	Documento acreditativo ou poder de representación legal e copia do DNI do representante

Pode verificar a integridade deste documento no seguinte enderezo:
<https://sede.depo.gal>
Código seguro de verificación:61ZA6258GN8ZF0CT



Martes, 18 de abril de 2023

Núm. 74

Declaro responsablemente:

- Que acepto as bases da convocatoria de subvencións por participar en competicións oficiais na tempada 21-22/tempada 2022.
- Que non estou incurso en ningún dos supostos que impiden obter a condición de beneficiario de subvencións por parte da Administración pública, recollidos no artigo 10 da Lei 9/2007 do 13 de xuño, de subvencións de Galicia.
- Que os datos indicados na solicitude son certos.

Sanxenxo, de de 2023	Sinatura da persoa interesada ou representante:
---	--

